



## საქართველოს გაერთიანებული სახელმწიფოს და სოფლის მეურნეობის მინისტრი

### ბრძანება N 2-605

10/07/2020

ქ. თბილისი

#### სენაკის მუნიციპალიტეტში, სოფ. ნოქალაქევის მიმდებარე ტერიტორიაზე, შპს „ინტერაგროს“ სარწყავი (სამელიორაციო) სისტემის მოწყობასა და ექსპლუატაციაზე სკრინინგის გადაწყვეტილების შესახებ

შპს „ინტერაგროს“ მიერ გზშ-ის ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია სენაკის მუნიციპალიტეტში, სოფ. ნოქალაქევის მიმდებარე ტერიტორიაზე, წვეთოვანი სარწყავი სისტემის მოწყობა-ექსპლუატაციის სკრინინგის განცხადება.

წარმოდგენილი დოკუმენტაციით დგინდება, რომ შპს „ინტერაგროს“ სენაკის მუნიციპალიტეტში, სოფ. ნოქალაქევის მიმდებარე ტერიტორიაზე, იჯარით აღებულ სასოფლო-სამეურნეო დანიშნულების მიწის ნაკვეთზე (საკადასტრო კოდი: 44.06.21.193) გეგმავს მოცვის პლანტაციის გაშენებას, რომლის ფართობი შეადგენს 13 ჰა-ს. მოსარწყავი ტერიტორიიდან უახლოესი საცხოვრებელი სახლი მდებარეობს 185 მეტრში.

სკრინინგის განცხადების თანახმად, შპს „ინტერაგროს“ დაგეგმილი აქვს მოცვის პლანტაციის მორწყვის მიზნით მდინარე ტარჩენიდან წყლის აღება. დაგეგმილია მილის გაყვანა, რომლის სათავეც მდებარეობს GPS კოორდინატებზე: X 273242.86, Y 4693467.15.

სკრინინგის განცხადების მიხედვით, სატუმბი დანადგარი მოსარწყავი მიწის ნაკვეთიდან დაშორებულია 200 მეტრით. აღნიშნულ მონაკვეთზე იგეგმება მიწისზედა მცირე დიამეტრის (63 მმ) მილის გაყვანა. ელექტრო ტუმბოთი ამოღებული მდინარის წყალი მოსარწყავ ტერიტორიას მიეწოდება მიწისზედა მილით. ნაკვეთის ტერიტორიაზე შემოსული მილი დაუკავშირდება წყლის მიწისზედა შემკრებ რეზერვუარს, რომლის მოცულობა შეადგენს 60 მ<sup>3</sup>-ს. შპს „ინტერაგროს“ მიერ მიწის მოსარწყავად წელიწადში გამოყენებული იქნება 2300 მ<sup>3</sup> მოცულობის წყალი .

სკრინინგის განცხადების მიხედვით, საპროექტო ტერიტორია მდინარე ტარჩენს უკავშირდება უკვე არსებული საფეხმავლო ბილიკით, რომელიც გამოყენებული იქნება მილსადენის განთავსების დერეფნად. ვინაიდან არ იგეგმება აღნიშნული მილის მიწისქვეშ განთავსება, სარწყავი სისტემის მოწყობა არ იქნება დაკავშირებული მიწის სამუშაოებთან, რის გამოც მიწის ნაყოფიერ ფენაზე ზემოქმედება არ არის მოსალოდნელი. ასევე, საქმიანობის განხორციელება არ იგეგმება დაცულ და ტყით დაფარულ ტერიტორიებთან სიახლოვეს.

საქმიანობის სპეციფიკიდან გამომდინარე, სარწყავი სისტემის როგორც მოწყობის, აგრეთვე ექსპლუატაციის ეტაპზე ატმოსფერულ ჰაერში არ ხდება მავნე ნივთიერებების

გაფრქვევა, შესაბამისად ზემოქმედება ატმოსფერულ ჰაერზე მოსალოდნელი არ არის. საქმიანობის შედეგად ასევე არა არის მოსალოდნელი ნარჩენის წარმოქმნა.

საქმიანობის მასშტაბიდან გამომდინარე, მცენარეულ საფარსა და ცხოველთა სამყაროზე დაგეგმილი სამუშაოებით გამოწვეული ზემოქმედება არ იქნება მნიშვნელოვანი, ვინაიდან როგორც აღნიშნა სამელიორაციო სისტემისთვის გათვალისწინებულია მცირე დიამეტრის (63 მმ) მქონე მილის გაყვანა, რისთვისაც საჭირო არ იქნება რაიმე ტიპის ტექნიკის გამოყენება. შესაბამისად ადგილი არ ექნება ხმაურსა და ჰაბიტატის ფრაგმენტაციას.

სკრინინგის განცხადების თანახმად, საპროექტო ტერიტორიაზე ისტორიულ-კულტურული მემკვიდრეობის ძეგლები არ ფიქსირდება.

წარმოდგენილი დოკუმენტაციის მიხედვით, საპროექტო ტერიტორიის სიახლოვეს არ ფიქსირდება მსგავსი ტიპის საქმიანობა, შესაბამისად კუმულაციური ზემოქმედება არ არის მოსალოდნელი. საქმიანობის სპეციფიკიდან გამომდინარე ასევე არ არსებობს მასშტაბური ავარიისა და კატასტროფის რისკები.

„გარემოსდაცვითი შეფასების კოდექსის“ მე-7 მუხლის მე-5 ნაწილის შესაბამისად, სკრინინგის განცხადება გამოქვეყნდა სამინისტროს ოფიციალურ ვებგვერდზე და სენაკის მუნიციპალიტეტის საინფორმაციო დაფაზე. საზოგადოების მხრიდან აღნიშნულ საქმიანობასთან დაკავშირებით წერილობითი შენიშვნები და მოსაზრებები არ ყოფილა წარმოდგენილი.

დაგეგმილი საქმიანობის სპეციფიკიდან გამომდინარე, აღნიშნული სარწყავი (სამელიორაციო) სისტემის მოწყობა და ექსპლუატაცია არ არის დაკავშირებული გარემოზე მნიშვნელოვან ზემოქმედებასთან.

**ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-6 ნაწილის, ამავე კოდექსის II დანართის პირველი პუნქტის 1.3 ქვეპუნქტის საფუძველზე,**

#### **ვ ბ რ ძ ა ნ ე ბ:**

1. მიღებულ იქნეს სკრინინგის გადაწყვეტილება, რომ სენაკის მუნიციპალიტეტში, სოფ. ნოქალაქევის მიმდებარე ტერიტორიაზე, შპს „ინტერაგროს“ სარწყავი (სამელიორაციო) სისტემის მოწყობა და ექსპლუატაცია არ დაექვემდებაროს გარემოზე ზემოქმედების შეფასებას;
2. შპს „ინტერაგრო“ ვალდებულია „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს შპს "ინტერაგროს";
4. ბრძანება ძალაში შევიდეს შპს "ინტერაგროს" მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში გადაწყვეტილება განთავსდეს სამინისტროს ოფიციალურ ვებგვერდზე და სენაკის მუნიციპალიტეტის აღმასრულებელი ან/და წარმომადგენლობითი ორგანოს საინფორმაციო დაფაზე;

6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი